



Inatsisartunut ilaasortaq Mikivsuk Thomassen, Inuit Ataqatigiit
/Maani

**Ingerlatseqatigiiffiit avinngarusimasuni suleqatigiinnerat pillugu § 37 naapertorlugu
apeqquteqaammut 2023-31-mut akissut**

14-02-2023
Sags nr. 2023 - 136
Dok. nr. 22414567

Inatsisartut suleriaasianni § 37-mi imm. 1 naapertorlugu ingerlatseqatigiiffiit
avinngarusimasuni suleqatigiinnerat pillugu tulliuuttut Naalakkersuisunut
apeqquteqaateqarputit.
Apeqqutit tulliuuttumi akineqarput.

Postboks 1015
3900 Nuuk
Tlf. (+299) 34 50 00
Fax (+299) 32 50 02
E-mail: govsec@nanoq.gl
www.naalakkersuisut.gl

**Apeqqut 1: Naalakkersuisut isumaqarpat piffinni avinngarusimasuni
ingerlatseqatigiiffiit pisortat pigisaat suleqatigiinnerusariaqartut?**

Akissut: Namminersorlutik Oqartussat aktianik piginneqatigiiffii
suleqatigiiffigisinnaasamikkut, inuiaqatigiinnullu iluaqutaasussamik suleqatigiissasut,
piginnitsuunermut politikkitigut Naalakkersuisunit nalinginnaasumik kissaatigineqarpoq.

**Apeqqut 2: Naalakkersuisut Qaanaami pisortat pigisaat ataatsimoortumik
allaffeqarunnaarsimanerat Qaanaamilu saaffigineqarsinnaajunnaarsimanerat
pissusissamisoortut isigivaa?**

Akissut: Suliffeqarfiit ingerlatsinerinut tunngatillugu Naalakkersuisut
akulerutinnginnissamik isumaqarput, eqqaaneqareersutulli Namminersorlutik Oqartussat
aktianik piginneqatigiiffii inuiaqatigiinnut iluaqutissanngorlugu
suleqatigiiffigisinnaasamikkut suleqatigiissasut piginnitsuunermut politikkitigut
kissaatigineqarpoq.

**Apeqqut 3: Innuttaasut inuuniarnerannut attuumassuteqartut ass. Nukissiorfiit
aamma Tusass A/S Qaanaami ataatsimoortumik allaffeqalernissaannut
Qaanaamilu saaffigineqaqqissinnaalernissaannut Naalakkersuisut
ingerlatseqatigiiffiit siulersuisuinut aqutsisuiunulluunniit suliakkiiniarpat?**

Akissut: Suliffeqarfik nammineertitaq Nukissiorfiit pillugu akissuteqarnissamut
Nunalerinermut, Imminut Pilersornermut, Nukissiutinut Avatangiisinullu
Naalakkersuisoqarfik akissuteqartinneqarpoq:

*"Nukissiorfiit innuttaasunut pilersuinerani pisussaaffiit, nukissamik pilersuineq pillugu
peqqussutitigut kiisalu imermik pilersuineq pillugu peqqussutitigut aalajangersarneqartut
malinneqarput. Suliffeqarfiup peqqussutitigut pisussaaffimminik naammassinninnissaa
Nukissiorfimi aqutsisut qulakkiigassaraat, sulianullu ataasiakkaanut ingerlatsinermut
tunngasunut Nunalerinermut, Imminut Pilersornermut, Nukissiutinut Avatangiisinullu
Naalakkersuisoq akulerunneq ajorpoq."*

Ingerlatseqatigiiffinnut inatsit naapertorlugu, Naalakkersuisut aktianik piginneqatigiiffiit
ataatsimeersuarnerini sunniuteqarsinnaasarpud. Sulianut ataasiakkaanut
ingerlatsinermut tunngasunuunngitsaq.

Apeqquut 4: Naalakkersuisut ingerlatseqatigiiffinnut innuttaasut sullinneqarnerat pitsaasuutikkumallugu minnerpaaffiliussanik sunik piumasaqarpat?

Akissut: Ingerlatseqatigiiffinnut piumasaqaataasut aktianik piginneqatigiiffinnut inatsimmi, ileqqoreqqusani, kiffartuussinissamik isumaqatigiissuteqarsimappat taakkunani, immikkut akuersissutini immikkullu malittarisassiuussani kiisalu "Namminersorlutik Oqartussat aktianik piginneqatigiiffiinik aqutsilluarnissamut najoqqutassiat"-ni nassuiarneqarput. Innuttaasunik sullissinermi piumasaqaasioqqinnissaq pillugu Naalakkersuisut oqaloqatigiinnisamut ammapput.

Inussiarnersumik inuulluaqqusillunga



Múte Bourup Egede